


MUSHEMI ABRAHAMA

 Buka ya Genese hape, kauhanyo ya 22, kukala ni timana ya 15, mi lu kulubela cwale kuli lu ambole fela ka mizuzu yelikani ni kukala sebelezo. Genese 22, kukalela fa timana ya 15.

Mi lingeloi la MULENA la biza Abrahama la bubeli, lili kwa lihalimu,

Mi lali, MULENA ubulela uli, Ni konkile ka Na kuli kakuli u ezize taba ye, u sa ni haneli mwana hao, wa libanda:

Kuli kwa kufuyola Ni ka ku fuyola, mi kwa ku atisa Ni ka atisa lusika lwa hao lu be sina linaleli za lihalimu, mi sina lishabati fa likamba la liwate; mi bana ba hao ba ka luwa minyako ya lila za bona;

Mi mwa peu ya hao kimo kuka fuyolelwa linaha kaufela za lifasi; kakuli u utwile linzwi la ka.

² Ha ki sepiso ni yeo, bakeñisa ku utwela! Ku utwela kona sa bata Mulimu. Ne ku bulezwi hañwi kuli, “Ku utwela ku hande kufita sitabelo.” Ku utwela Mulena ki kokunde kufita sitabelo kaufela so kona kueza.

³ Lutalimana cwale ni palo yetuna, busihu boo, *Mushemi Abrahama*, yana bizwa kuli “ki ndatahe Tumelo,” kakuli Mulimu na mu file sepiso ya ku luwa lifasi, ni Peu ya hae. Mi ki ka Abrahama luna, ha lu shwile ku Kreste, luba Peu ya Abrahama ni bana ni sanda hamoho ni Yena kuya ka sepiso.

⁴ Cwale, Abrahama neli fela mutu wa fela fela, nekusina sika sa butokwa. Mulimu na si ka mu biza, kuya ka mo lu zibela haluna piho niyekana, kufitela aba ni myaha ye sebente-faifi ya kupepwa. Musala hae, yanali kezela hae wa licika, kakuba wa myaha ye sikisite-faifi ya kupepwa ka nako yani, ne se ba pilile hamoho kuzwa kwa bwanana bwa bona. Mi nali mwanana, kono nasina bana. Mulimu na bizize kauhano yetezi, kuli a kauhane iliyena kwa lika zeñwi za lifasi, ni kuzwa mwahala sicaba sa habo kaufela, ni kuzwa mwa lusika lwa habo kaufela. Nekuna ni nto ya butokwa kuli aeze.

⁵ Mi Mulimu ha kulubela kuli ueze nto yeñwi ye ipitezi, U bata kuli kube ni kauhano yetezi kwa ku sa lumela kaufela. Ulukela kutaha kwa kuutwela ko kutezi, ku utwela Sa bulela. Mulimu ubata ona cwalo. Haukoni kueza ka nzila isili fela. Mi, cwale, Yena kamita ubeya mutala, mi wani neli ona mutala wa Hae, wa ku kauhana ko kutezi kuzwa kwa ku lubasi lwa habo kaufela, mishobo ya hae kaufela, ni zeñwi cwalo, ku zamaya bupilo bo bu kauhani ku Mulimu.

⁶ Myaha ya fita, hakuna sene si ezahalile, kono niteñi Abrahamama a zwelapili. Na si ka zwafa. “Na si ka sitatala fa lisepiso za Mulimu ka ku sa lumela, kono a tiya, inza fa tumbo ku Mulimu.”

⁷ Mwaha mwa mulaho wa mwaha, hane uya cwalo, hakuna ku kakanya balwanisi babañata ba taha mi bali, “Abrahama, ndatahe macaba, seli bana babakai bo se unani cwale?” Zani ne li si ka mu bilaeza. Nekusina mwana, mi Sarah na sa fitelezi nako ya bupilo, ya kupepa, kakuli, kwahule hule ni kuyema lupepo, kono niteñi Abrahamama na sa lumela ku Mulimu ka kuswana fela. Na i tukisize kale za mbututu, kakuli na ziba mi na kolwa hande kuli Mulimu nasike kufa sepiso yakuli Na si yomutuna yakona ku i yemela.

⁸ Peu ya Hae ilukela ku nahana ka mukwa o swana. Hakuna taba kamba kubonahala cwani ku sa ba niti, mo libonahalela za nama kwa ngana ya butu, ibo Mulimu hakoni kufa sepiso yeo Aka palelwa ku i tokomela. Lu lumela ona taba yeswana yeo kacenu. Peu ya niti kaufela ya Abrahamama i lumela lika zeswana. Hakuna taba ka ze ezahala, kamba luna ni zibo yekuma kai ye lu ipumanezi, ki lika zekai ze ezahalile, ka mo libezi ze si za nama kwa ngana ya butu, mo libezi za bukuba, nitaluse, kwa ngana ya butu, ha li fi ni shutano yekana. Haiba Mulimu ubulelezi cwalo, kona ona cwalo. Mi Peu ya Abrahamama iitingile ku za kuli SA BULELA MULENA KISONA. Ao kona mafelelezo.

⁹ Lu fumana kuli, ka myaha ye twenti-faifi kasumulaho, kusina bana. Mi niteñi Mulimu na sepahala kuli abuluke sepiso ya Hae ku Abrahamama, kakuli Abrahamama na lumela ku Mulimu. Mushimani yomunyinyani ataha, Isaka yomunyinyani.

¹⁰ Mi kasumulaho Isaka yomunyinyani amano taha mwa sibaka, mi lufumana kuli Mulimu amufa muliko wa bubeli. Ki hali, “Mwana yo . . .” Kasumulaho wa kuba wa myaha ye mwanda ni ye ketalizoho ya kupepwa, kamba mashumi amabeli, Abrahamama nali cwalo. Ki hali, “Ni bata kuli unge yena, mwana hao wa mushimani anosi yo, mi u muisse fa lilundu le Ni ka ku bonisa, mi fani u mutaleke, fahalimwa lilundu le, abe sitabelo.” Ka manzwi amañwi, asinye bupaki kaufela bwa na nani kuli sepiso i talelezwe. Koo ki kuzwisa lika za nama kaufela.

¹¹ Mi Abrahamama ali, “Ni mu amuhezi inge ya zwile kwa bafu. Mi Ni kolwa hande kuli Wakona ku mu zusa kwa bafu.”

¹² Sani kona sicaba cwale Peu ya Abrahamama, kakuli U lu zusize kwa bafu. Ne lu shwile mwa sibi ni mwa bumaswe. Mi Yena Yana kona ku cinca muhupulo waka, ku cinca milelo yaka, kucinca sibupeho saka, u nicince mubili kaufela, Wakona kueza ka Mwa latela. Kaufela Sa belela, Ni lumela kuli ki Niti, mi Peu kaufela ya Abrahamama ilumela taba yeswana.

¹³ Abrahamama, a si ka hana ku utwela Mulimu, anga mushimani yomunyinyani. Mi kakusasana cwana, a bulelela batanga kuli,

“Mu libelele fa ni limule. Mi mwana ni Na lu ya mwani ku yo lapela, mi yena ni Na lu ka kuta.” Oh, uka eza cwani zeo? Kanti u ya fahalimwa lilundu, ku yo nga bupilo bwa mwana hae, ibo ubulela kuli, “Mwana, mushimani ni Na luka kuta.” Na ziba kuli sesiñwi ne si na ni ku ezahala. Mi na sa zibi fela Mulimu mwa na ka liezeza; yeo ha ki puzo ya hae. Wa ziba kuli Mulimu na sepisize cwalo.

¹⁴ Kona fela ze lu tokomela ku ziba, Mulimu na li sepisize! Li ka ezahala cwani? Ha ni koni ku mi bulelela. Kono Mulimu na bulezi ona cwalo! Uka luma Jesu Kreste, ka nako ya bubeli, Uka taha mwa mufuta wa mubili. Uka ikungela be ili ba Hae Tota. Ku kaba myaha ye wani sauzande, puso ya mileniamu mwa lifasi le, ni Yena, ni baba liuluzwi. Sani kona sa Na sepisize, mi lu libelezi hola yani kuli i atumele.

¹⁵ Na sepisize kufolisa bakuli, kuzusa bafu, ku leleka mioya. Na sepisize kueza cwalo. Yena wa swana maabani, kacenu ni kuyakuile. Cwani? Ha ni zibi. Na sepisize kueza cwalo! Lwa lumela cwalo; ao kona mafelelezo. Mutu ha lumela ku Mulimu, wa lumela kaufela Za bulela.

¹⁶ Mi cwalo kona Abrahama mwa na lumelezi ku Mulimu. Cwale na kupilwe kuli a sinye bupaki kaufela bwa kuli sepiso ya Hae ne i ka tokomelwa, kono na kolwa kuli Mulimu na ka eza cwalo.

¹⁷ Cwale, isiñi fela kuli Na file sepiso tuna ye, Na i file kwa Peu ya hae, hape. Mi kakuli Abrahama na sepahala, mi a buluka li—li Linzwi la Mulimu la na mu sepisize Mulimu, mi aziba kuli Mulimu na ka zusa mwana yo. Mi a si ka shemuba mwana hae; kono (Mulimu) neli mufuta wa Mulimu ya na fa Mwana Hae, eni sha; ha na nanuzi likota fahalimwa lilundu, ni zeñwi cwalo; sina Kreste hana ngile sitabelo sa Hae Tota, fahalimwa lilundu, fa Na kokotelezwi.

¹⁸ Lu lemuha kuli ku se, ka kueza se, ne si tabisize Mulimu hahulu kuli abone kuli Abrahama na Mu lata fahalimwa lika kaufela fa lifasi, mane nahaiba mwana hae wa mushimani wa libanda. Na Mu lata fahalimwa sa na ka bulela mutu ufi kaufela, mutu kaufela na ka eza, na sa lata Mulimu hahulu kulumela Linzwi la Hae.

¹⁹ Peu ya Abrahama kaufela ilumela Mulimu ona cwalo. Ba lumela ku Mulimu. Mi lu ziba kuli ne si tabisize Mulimu hahulu kuli kona sa Na bulezi, “Peu ya Hao ika luwa minyako ya lila za yona. Peu ya Hao ika luwa minyako ya lila za yona.” Muhupule, seo kikuli SA BULELA MULENA KISONA. Peu ya Abrahama ya lumela cwalo. Haiba u Peu ya Abrahama ya luli, tumelo yana na ni Abrahama ku Mulimu, i ku wena. Mi wa lumela, kuli sa bulezi Mulimu, Mulimu u ka buluka sepiso ya Hae.

²⁰ Mi Na bulezi, cwale muhupule, Na file fela sepiso ye ku Abrahama kasamulaho Amano mufa tatubo. Peu ya Abrahama

ilukela pili kulikiwa, kubona haiba luli ya lumela Linzwi. Muhupule, nzila fela ya na ka buluka sepiso ya Mulimu ka yona, kakuli na lumela mwa sepiso ya Mulimu, mi a likiwa kamba na I lumela kamba nee.

²¹ Lu tisizwe kwa muliko wani. Peu ya Abrahama, kacenu, itisizwe kwa muliko wani. Kikuli lu kanga Linzwi la Mulimu, kamba lu nga sa bulezi mutu ka Lona? Kikuli lu ka nga se i ezize kopano yeñwi kuba tuto ya litumelo, ni kuamuehal seo, kamba kikuli lu ka nga sa bulezi Mulimu? Haiba Linzwi la Mulimu ki la niti, lu lumela Linzwi la Mulimu, hakuna taba kamba sesiñwi si cwani kaufela. Lu tuhela kuli linzwi la mutu kaufela libe buhata, mi a Mulimu abe Niti. Peu ya niti ya Abrahama! Kono usika ba kale Peu ya niti yani, ulukela kufita mwa muliko, sina Abrahama mwa na ezelize, yena kasibili. Na si ka sepisa fela ku Abrahama, kono Peu ya hae ika koma minyako ya lila. Oh, mawi!

²² Munahane fela, mupatriareka na kolwa hande ku zona, mwa muliko wa hae wa sepiso ya Linzwi la Mulimu, na lukile. Hakuna taba kamba buino nebuli cwani, niteñ na sa lumela Linzwi kuli ki la niti. Abrahama, yena mupatriareka yomutuna, na si ka sitatala mwa tumelo, ha tiswa mwa nako ya muliko yani. Na lumela kuli Mulimu na ka mu zusa kwa bafu. Na lumezi cwalo, kakuli Mulimu na file sepiso. Mi cwale Mulimu hana file sepiso yakuli ukaba “ndatahe macaba,” mi alumela kuli ku cwalo. Na sa zibi mo ne li ka bela. Fani mbututu ha taha, kasamulaho amano sepa, myaha ye mashumi amabeli ka ye ketalizoho, mi akupa kuli abulaye mbututu, na sa ziba kuli sepiso ya Mulimu neli ya niti, mi afa mwana hae.

²³ Peu ya Hae, ki nto yeswana! Sepiso ya Mulimu kona liswayo, ku babali Peu ya Abrahama. Sepiso ki liswayo, ki bupaki bo bu nyatezwi. Mi cwale ha lu lumela Linzwi kaufela la sepiso, kipeto liswayo li fila ku luna, ku paka sepiso ka lona. Mwabona, haiba lu—haiba luna, kakuba Peu ya Abrahama, lu ka kena mwa muliko haiba lu ka lumela Bibebe, kamba nee. Bibebe ki Linzwi la Mulimu, kakuli Ki Mulimu. Mi cwale hasamulaho umano fita mwa muliko, kuli ulumele.

²⁴ Mi babañwi ba bona haba bulela kuli, “Mazazi a limakazo afelile.” Haiba u amuhela sani, seo sa shutana ni Linzwi.

²⁵ Haiba u li, “Ha u amuheli Moya o Kenile, kacenu. Hakuna nto ye cwalo. Konji fela baapositola ba lishumi ka bababeli kona bene ba Li amuhezi.”

²⁶ Linzwi ne li bulezi kuli, Pitrosi na Li kutaza ka Lizazi la Pentekota, na ize, “Mubake, mañi ni mañi wa mina, mi mu kolobezwe ka Libizo la Jesu Krete kwa swalelo ya libi, mi mu ka amuhela mpo ya Moya o Kenile. Kakuli sepiso yeo i ezelizwe mina, ni bana ba mina, ni babali kwahule kaufela, mane ni babañata be Mulena Mulimu wa luna akabiza.”

27 Ona cwalo fela kona mo Li taluseza. Ki, cwale haiba u itukisize kunga tatubo, ya muliko wa Mulimu, ni kulatelela munwelo wa mulyani woo, Na mi bulelela, mu ka fumana kuli Mulimu ubuluka Linzwi la Hae, haiba muka Li lumela. Yeo ki niti. Kono u lukela kufita ku zeo, kakuli leo kona liswayo; ha ukona ku Li amuhela, kona kuli uka amuhela sepiso. Kakuli, Ki mulyani wa Mulimu, mo lu lukela ku ezeza, mi cwalo kona mo lu lukela ku Li latelela, ona cwalo fela mwa Na bulelezi. Cwale isiñi fela ku babañwi, kono “yo kaufela,” yo kaufela ya lumela, yo kaufela ya ka baka, yo kaufela ya lumela. Ki mwahala masika kaufela, kwa batu kaufela, yo kaufela ya bata ku Li lumela. Mi tumelo mwa Linzwi la Mulimu imitisa kwa sepiso ye. Mi, mi kipeto fona nako yeo fela, kona ukona kuba ni mata a kukoma liswayo la sepiso.

28 Mi sepiso ya kuli lwa amuhela, liswayo, kona kolobezo ya Moya o Kenile. Yeo ki niti. Kakuli yani ki Mulimu mwa mufuta wa Moya, wena ka kuba Linzwi la Hae ku wena, konakuli Wa taha mwateni. Haiba u amuhela Linzwi ku wena, Moya o Kenile kona nto inosi fela yekona kueza Seo kuba se si pila, mi kipeto una ni sepiso ya kukoma munyako wa sila kaufela se si lika ku ku ku lwanisa. Yeo ki niti. Mulimu na li sepisize, mi ku cwalo.

29 Cwale, muhupule, ukona fela kueza cwalo nako yeo, mi kipeto ki nako ona yeo fela, kasamulaho wa ku likiwa ka Linzwi.

30 Abrahamama na likilwe ka Linzwi. “Kana uka lumela, Abrahamama, kuli ukaba ni mwana?”

“Eeni.”

31 Mwana a taha. “Cwale mu bulaye. Kana u sa lumela, Abrahamama?”

32 “Na lumela cwalo, niteñi, kakuli Wakona ku mu zusa kwa bafu.”

33 Mi kuzwa fani, Na ize, “Cwale, Peu ya hao ika koma munyako wa sila sa yona.” Amen! Kasamulaho wa muliko ku taha!

34 Ha lu tatubeñi fa lipeu zeñwi za Abrahamama, mwa peu ya nama. Yeo, luna luli yona kacenu Peu ya moya. Kono ha lu batisiseñi, ka peu ya nama, ku babañwi baba lumezi sepiso yetezi ya Mulimu, mi kusina kua- . . . [Hakuna manzwi fa tepu—Mu.]

35 Se nili, “Ni bulele cwana, kana musizana wa Mukreste ubatelañi ku bonisa kakoci ka hae? Hani utwisisi sani.”

36 U pepilwe sinca, ka Mulimu, una ni bunde bwa Moya o Kenile kuli abonise seo uli sona, ki wena. Una ni mata a kuli likoci za bo kamilatu ze lisina. Yeo ki niti. Musali wa luli wa Mulimu, ya yema ka mata, wakona ku sehiwa, ni kubizwa kuba ya sialezi; kono una ni sika se ba sa koni kuswala, mi ba si latehisize mi habakoni kuba ni sona hape. Yeo ki niti. Una ni mata. Seo kona sa bata Mulimu, ki mata. Mwabona?

³⁷ Kono taba yapili, haiba kuna ni puzo mwa munahano wa hao, usike wa eza cwalo ni hanyinyani. Usike wa taha mwa mukoloko wa tapelo haiba kuna ni puzo mwa munahano wa hao. Usike wa taha haiba ha u lumeli, mka kutala, hakuna manzwi mwa munahano wa hao, ni hanyinyani, kono ki kuli uka foliswa, konakuli uka zwa kwa katala kwanu uli mutu ya folile. Yeo ki niti, ha kusina puzo mwa munahano wa hao, ni hanyinyani. U lukela kulumela Mulimu, isiñi kulumela kwa malikanyiso. Kulumela za niti!

³⁸ Mi Peu ya Abrahamama ya li lumela kakuli Linzwi libulezi ona cwalo, mi leo kona libaka ha lu li lumela. Isiñi kuli mutu yomuñwi u lwanisize, kakuli yomuñwi ubulezi cwalo. Kakuli Mulimu ubulezi cwalo, seo si eza kuba Niti. Mi Mulimu ha bulela, zeo li ka tima puzo kaufela. Ki yena linzwi la mafelelezo. Ki yena wa maungulo. Mi Mulimu ha bulela sika kaufela, ao kona mafelelezo. Hakuna sesiñwi se si kona kubulela ka ku Si lwanisa. “Linzwi la mutu kaufela libe buhata, mi la Ka libe la Niti.”

³⁹ Cwale halunze lu tatuba zeñwi za lipeu ze, halu nahaneñi. Lu nahana ka bana ba Siheberu, Ni nani fa, ka kunahana cwalo, ka bana ba Maheberu, kasamulaho ba ma no tatubelwa kwa sibupeho sa kulapela. Cwale, muhupule, mulena naize, “Yo kaufela yasike ku kubamela siswaniso se, uka nepelwa mwa mulilo o sabisa.” Cwale, bana ba neba lumela kuli Linzwi la Mulimu ne li lukile, kuli basike ba lapela siswaniso sa mufuta kaufela, kono ha ba taha kwa kangisano yani mi ba likwa haiba ne ba ka itiisa.

⁴⁰ Mi, bana babañwi kaufela kwani hane ba amuhezi ni kuya kwa milapelo, ne bali hande mwa nzila yabona ya na bulezi mulena. Ne baile ni muhupulo o zibahala hahulu wa lizazi lateni, kuli ba lukela kueza cwalo.

⁴¹ Mi hane ba likiwa, kamba neba ka kubamela milimu ni ku shwaula Linzwi la Mulimu, ba yema ka kusepala kwa Linzwi. Hakuna taba ka ze ne taba, ba yema ka kusepahala kwa Linzwi. Mi ha ba ba nepela mwa ondo ya mulilo, sepiso ya Mulimu ya talelezwa. Ba koma minyako ya sila sa bona. Mi nekuna ni Muuna wa bune ya yemi mwani, yana sweli sinotolo sene si kiuluzi kucisa kwa mulilo, mi nekusina se ne u ba ezize kwanda ku ba lukulula. Amen.

⁴² Kanti muuna ni musali haiba u itukisize kunga tatubo, tatubo ya asidi!

⁴³ Mwa bona, neba na ni kukena mwa mulilo. Mi ba mano eza cwalo, nebali mwa mulilo, mi taba yapili yene ezahalile, yona tatubo ya mulilo ye ya kwalulwa, yanga mi—mi mihala kwa mazoho a bona.

⁴⁴ Linako zeñata, Mulimu wa lu tuhelanga, ha se lu tamilwe ni lifasi, kutamiwa, U tuhelanga miliko ye sabisa ku lutahela, fo luna ni kuba ni keto. Mi ha lueza cwalo, taba inosi fela yeo

muliko ukona kueza, kanti Peu ya niti ya Abrahamama ha iyemi fa—fa manganandila abuiKETELO, mi uba ni keto ya hae ya kusebeleza Mulimu, likona fela kupuma kwateni litamo ni ku lu tamulula. Satani wakona ku kufa butuku. Wakona ku kufa nto iliñwi, hape. U ziba cwani haiba ha ki Mulimu ya kubeya fa manganandila, kubona mufuta wa—wa—wa keto yo kona kuba ni yona?

45 Ne ba komile munyako wa mulilo. Mulilo no si ka ba cisa. Nekusina nihaiba munko wa mulilo ku bona, kakuli neba ziba kuli nebali Peu ya Abrahamama, mi ba yemela Mulimu ni Linzwi la Hae. Ne ba komile minyako ya—ya sila, mi mulilo no sa koni ku ba cisa, kakuli ne ba komile minyako.

46 Kasamulaho, nekuna ni muuna, mupolofita kulo kwani, wa libizo la Daniele. Na ka. . . ba ni tatubo kamba na ka sebeleza Mulimu alimuñwi wa niti, kamba nee. Mi ha lifita fa nako yani, kamba na ka sebeleza Mulimu alimuñwi, kamba ku kubamela milimu ya bahedeni, a hana kueza cwalo; ni ku kwalula mahaulo, ni kulapela ku Mulimu wa hae, zazi ni zazi. Mi na ngilwe ka zona, ka mulatu wa milao ya kale, mi a nepelwa mwa musima wa litau. Sikwata se si lapile sa litau sa mu honela. Ki sikamañi sa na ezize? A koma munyako wa sila sa hae. Litau ne li sa koni ku muca. Mulimu aluma Siita sa Mulilo, Lingeloi lene li yemi mwahala hae ni tau.

47 Na komile munyako wa sila, kakuli na likilwe kubona kamba na ka lapela Mulimu alimuñwi wa niti, kamba kuba ni balimu baba twelufu ba za bulapeli bana lapela. Kacwalo a yema mwa muliko, mi akoma munyako wa sila. Tau mane ne i si ka muswala, kakuli Mulimu nali ni yena. Sepiso ya Mulimu ne itomilwe ka niti, kakuli nali Peu ya niti ya Abrahamama.

48 Mushe, oh, yomuñwi yomutuna. Na likilwe, hape, kuli abone sepiso yana mu file Mulimu. “Ni ka ba ni wena ha u ya mwahali mwani.” Mi ha na yemi fapila balikanyisi ba mpo ya hae, Janise ni Jambresi ba lika kuyema ni kulikanyisa sika luli sa na laezwi kueza Mushe. Mi Mulimu a mu biza, mi a ziba kuli ki yena yana lumilwe kueza se, mi ayema fani ni kueza makazo sina Mulimu mwa na mu bulelezi kueza cwalo. Mi fa ne kuyemi balikanyisi, kueza nto yeswana, kono ne li si ka bilaeza Mushe. Na yemi ka ku sepahala kwa Linzwi la Mulimu, mi a koma minyako, amen, ya sila, kakuli na yemi ka ku sepahala kwa sepiso ya Mulimu, hakuna taba kamba ki mañi yana lika ku likanyisa.

49 Ha ki tuto ni yeo ku Mukreste kaufela! Ha u talima kafa ni kafa ni kubona muipi, u hupule fela kuli ulika kulikanyisa kalulo ya luli. Kono, seo si talusa fela kuli kuna ni alimuñwi yali wa niti. Yema ka kusepahala kwa Linzwi la Mulimu! Hakuna taba ka ze taha kamba zeya, buluka sepiso ya Hae. Eeni, Daniele na pilile ka ku sepahala kwa Linzwi la Mulimu.

50 Hakuna taba kamba ki babakai bene ba lika ku mu likanyisa, ni lika zeñwi kaufela, na pilile ka niti. Mi na tezi ka mulelo,

kuli azwise Isilaele kuzwa mwa Egepita, ni kuba isa mwa naha ya sepiso. Mi hane se ili nako yakuli ba ye mwa naha ya sepiso, kuzwa mwa Egepita, ne ku yemi Liwate Lelishwile mwa nzila. Mi kiha koma minyako ya mezi, mi minyako ya atama ku kwaluha. Mi ni—ni mezi akuta kwa mulaho, mi Mushe aisa Isilaele mwa lihalaupa, kwa lilundu koo Mulimu na mu lumile kuli a ba ise. Amen. Na komile minyako ya sila.

⁵¹ Ndatahe, Abrahamama, nana ni sepiso yani, kuli Peu ya hae ya niti ne ika koma munyako wa sila. Mi minyako ya mezi ne i kwalilwe, mi na palelwa kufita kuli asile, mi yani neli nzila ya musebezi. Na lukela kutisa bana bani kwa lilundu lani. Mulimu na mu bulelezi kueza cwalo. Mi ha ne ku yemi munyako mwa nzila, ki ha koma munyako wa sila.

⁵² Joshua, kasamulaho nyana, ha ba taha kwa Kadesh-barnea, yeneli sipula sa katulo ya lifasi ka nako yani, fani Isilaele a kopana ni katulo ya yona. Lu fumana Joshua ni Kalebu, ni babañwi ba twelufu. . . kamba—kamba ba balishumi babañwi. Alimuñwi kuzwa mwa lusika ni lusika na lumilwe ku yo twela naha ne ba itukisize ku amuhela.

⁵³ Mi ha ba bona mangangalume amatuna ani ayemi fani, ba lishumi ba bona baikutwa bumaswe hahulu, se bali, “Halu koni kulinga ze. Ki zetuna hahulu. Kiñi, amutalime ku zelwanisa ze lunani.” Kono ha ba yo kuta ku to tisa piho, batisa piho yemaswe.

⁵⁴ Ki kabakalañi hane ba ka tisa piho yemaswe, kanti Mulimu na ba bulelezi kuli, “Ni mi file naha yani; ki ya mina”? Na ba bulelezi kwani kwa Egepita. “Ni mi file naha ye. Ki naha yende. Ibuba mabisi ni linosi.”

⁵⁵ Kono ha ba bona twaniso yetuna hahulu, ba lishumi ba bona ba kuta mi bali, “Ha lukoni kueza ku kwanisa.”

⁵⁶ Neli Joshua, ya na kuzisize sicaba, mi ali, “Lwa kona hahulu mane ku yo hapa. Luna ni mata amatuna luli!” Kakuli kiñi? Na talimela fa sepiso. Na li Peu ya niti ya Abrahamama. Hakuna taba kamba zene lwanisa neli sikamañi, “Lwa kona kuluwa munyako, kakuli Mulimu u sepisize naha.” Mi ki ha koma munyako.

⁵⁷ Kasamulaho nyana, hana tisize bana ba Isilaele kwa nuka. Ne ba yemi, ka kweli ya Lungu, nuka yetuna, ya bayula. Jordani ne i zwa mwa malundu, mi ne i hasanezi mwahala mabala. Ne ku bonahala inge nako yemaswe hahulu, mwa mwaha, kuli na kaba kwani. Kono, ibo, nali Peu ya Abrahamama. Na ziba kuli nana ni sepiso, mi nali mwa sibaka sa musebezi. Mulimu na mu file pono, mwa ku ezeza, mi na komile minyako ya nuka. Minyako ha i to kwaluha, mezi a hasanela mwa malundu. Mi Joshua ni Isilaele ne ba komile minyako ya sila, ni kukena mwa naha ya sepiso, kakuli Mulimu na ba bulelezi kueza cwalo. Peu ya niti ya Abrahamama!

⁵⁸ Mizwale ni likezeli, ha na ilo fita kwani, Jeriko ne ikwahezwi ki mamota, amatelele luli kuli ne ba ka matisa fahalimu makoloi

amalalu. Kana ma Isilaele ne baka eza cwani ka mikwale ya kukupa, ye nopilwe fela, ni lika kaufela, ni likota ni macwe, ne ba ka kena cwani mwani? Kono na sa li Peu ya Abrahamama. Mulimu amufa pono, amu bulelela mwa ku ezeza, ali, “Liza tolombita.” Amen. Kona cwalo. “Huweleza, mu ye kuliba limoyta, mamota a ka wa fapila mina.” Amen! Nali Peu ya silena ya Abrahamama. Nali mulumeli wa niti wa Mulimu. “Minyako ika wa fapila mina. Mu taze fela lilata, ni kuliza tolombita. Kona fela ze muna ni kueza.” Mi ki sikamañi sene si ezahala? Minyako ya wa fafasi, mi Joshua anga munzi.

⁵⁹ Kasamulaho nyana, lu fumana kuli sila ne si sweli ku zamaya ka ku zwelapili, kuzwa fani, mi mane A tuhelisa lizazi mwa nzila ya lona. Sina hane Ni kutalize kakusasana omuñwi, ka za *Kuipitela*, na yemimize lizazi kufitela akoma minyako ya sila sa hae. Amen. Na ziba kuli haiba sila ne si ka taha hamoho hape, ne ba ka hasana, mi lizazi ne li likela, mi Maamori, mi ma Amaleke, ni babañwi cwalo, ne ba hasani. Kambe ne ba ka kopana hape, ni kutaha hamoho, kona kuli na kaba ni nako yetata ya ku ba latelela hape. Mi nekuna ni fela nto iliñwi yene sa libelezi, yani neli nako. Mi A yemisa nako. Amen! Amen! Kuna ni nto iliñwi yene mu buluka kuzwa kwa sepiso, yani neli lizazi, sibupeho kasibili ne si silana, mi A yemela ze bupilwe. Kiñi? Nali Peu ya Abrahamama. Na lumela sepiso ya Mulimu. A mu yemisa, ni kukoma minyako. Eeni, sha.

⁶⁰ Baana babatuna baa, kaufela bona ki baana babatuna. Kono mwa ziba fani bona, mañi ni mañi wa bona, hane ba fitile fa munyako wa lifu, kaufela bona ba shwa. Mañi ni mañi wa bona nana ni kushwa. Kakuli neli baana babatuna, “Ne ba tiba mi—mi milomo ya litau, ni kusaba buhali bwa mulilo, ni buhali bwa lilumo,” ni zeñwi cwalo, sina ha lu bulelezwi mwa Maheberu 11. Mi ba koma minyako ya sila, kaufela kwanda sila fela silisiñwi, mi sani neli lifu. Lifu la miza mañi ni mañi wa bona.

⁶¹ Mi zazi leliñwi, kasamulaho kwa taha Peu ya Silena ya Abrahamama, Jesu Kreste, yena Mwana Mulimu; Peu ya Abrahamama, ka tumelo. Isiñi ka Isaka, yena peu ya nama; ne ba ezize siemba sa bona. Kono fa kwa taha Alimuñwi Ya na si ka pepwa ka nama. Ki ha kutaha Alimuñwi ka kupepwa kwa mwalyanjo. Mwana Mulimu, Peu ya Abrahamama, ha ki Muuna kwa butuna ni yoo! Za nama zeñwi kaufela ne li pepilwe ka kupepwa kwa nama. Muuna yo yena na pepilwe ka kupepwa kwa mwalyanjo. Ki sikamañi sa Na ezize ha Na tile mwa lifasi? Na komile sila kaufela sana nani Satani. Na komile lika kaufela.

⁶² Ki sikamañi sa Na ezize? Na inzi kwande mi a koma matuku. Nekusina matuku ana Mu potolohile; kaufela kone kuna ni matuku, A a koma. Ki sikamañi sa Na ezize kasamulaho Amano li koma? A lufa linotolo, amen, uli, “Kaufela se mu ka tama mwa lifasi, Ni ka si tama mwa Lihalimu.” Oh! Amen! Yani kona Peu

ya Silena ya Abrahamama, sepiso ya Hae. Moya o Kenile ku luna cwale, ka linotolo, ku li supa kwa butuku. Na komile matuku. Butuku habukoni kuyema fa Pila Hae. Mi Na bulezi kuli Na lu file linotolo za kueza nto yeswana, kukoma matuku. “Kaufela se mu ka tama mwa lifasi, Ni ka si tama mwa Lihalimu.”

⁶³ Hape, muliko, Na likilwe mwa mikwa kaufela sina mo ne lubezi. Ki sikamañi sa Na ezize? Na li komile. Mi ki sikamañi sa Na lu bulelezi? “Muhanele diabulosi, mi uka mi saba.” Na lu komezi butuku. Na lu komezi muliko, na lobile minyako; a amuha sinotolo ku muliki, ni ku si tambeka mulumeli, wa Peu ya Abrahamama, mi ali, “Haiba a ku lika, mu hanele, mi uka ku saba.” Oh, mawi! Amu mu hanyele!

⁶⁴ Na komile bubeli bwa lifu ni lihele. A zuha ka lizazi la bulalu, ali, “Ni komile. Mi kakuli Na pila, ni mina mu ka pila.” Oh, ha ki sepiso ni yeo! Zeo ki kwa Peu ya Abrahamama. Na komile libita, a zuha ka lizazi la bulalu, ka kuluka kwa luna. Ha Na zuhile, Nali yena kuluka kwa luna. Kana sani si lueza sikamañi? Na komile butuku. Na komile lifu. Na komile lihele. Na komile libita. Na komile muliko. Oh!

⁶⁵ “Cwale lu fita batuli ka Yena ya lu latile, ni kufa bupilo bwa Hae,” kakuba Peu ya Silena ya Abrahamama. Ka Moya o swana wa Mulimu ku luna, onoli ku Yena, lu fita batuli. Munyako kaufela u komezwi luna. Taba fela yeluna ni kueza ki ku u luwa. Se li komilwe kale. Butuku bu komilwe. Lifu li komilwe. Lihele li komilwe. Libita li komilwe. Lika kaufela li komilwe, mi lu sweli linotolo, ka muhau wa Hae. Kana mwa saba ku a kenya sikulukulu ni, kubulela kuli, “Ni taha ka Libizo la Jesus Kreste?” “Mukupe Ndate sika kaufela ka Libizo la Ka.” Na Mu lata.

⁶⁶ Kasamulaho wa myaha ye likiti zepeli ifela, myaha ye likiti zepeli, mi niteni mwahali mo U mwahala luna, yena Mukomi yamata yana pazuzi lisila mwa liemba zepeli, yana ngile butuku kaufela, makulano kaufela, lika kaufela fahalimwa Hae, ni kulwala matuku a luna fa sifapahano, ni makulano aluna ni matuku, ni ku akoma, ni kuzuhela kuluka kwa luna, ni kuyema inza pila kasamulaho wa myaha ye likiti zepeli, ku iponahaza Iliyena kuba Jesu Kreste yapila, mwahala Peu ya silena ya Abrahamama ye ili muca sanda kwa lika kaufela. Oh, mawi! Bani bao kasamulaho, ba fita mwa muliko, sepiso ya Linzwi! Haiba mukona kulumela Linzwi, konakuli ni mina mu Peu ya Abrahamama. Cwalo kona mo mu tahela ku Lona.

⁶⁷ Haiba haukoni kunga tatubo ya Linzwi yeo, konakuli haiba u Li kakanya, ku akaleza nyana ka Lona, haukoni ku Li lumela, kuna ni sesiñwi kamba sisili fela, ha mu sa koni ku Si lumela, konakuli musike mwa taha mwa mukoloko wa tapelo. Na mane hanikoni neba ku angabazwa kutaha kwa katala, konji ha u kona kuba ni muhau omuñata wa kuziba kuli Linzwi la Mulimu ki la niti.

68 Mi cwale ha mu se mufitile mwa lisila la ku sa lumela lani, konakuli muna ni linotolo mwa mazoho a mina, za lifu, lihele, ni libita, kakuli muna ni Mukomi Ya mi komezi kwateni. Konakuli muna ni Maheberu 13:8, ye lu bulelela kuli, “Jesu Kreste ki ya swana maabani, kacenu, ni kuyakuile.” Kana lukona kueza cwani zeo?

69 Sicaba kacenu sili, “Oh, kihande, Ni ka ku bulelela, U inzi mwa—mwa nzila yeñwi, Yena u cwalo.”

“Ki ya swana,” ki Bibebe ye bulezi.

“Oh, kihande, Ha ezi kacenu sina mwa Na ezelize.”

70 Lu li fumana ona fa cwale, ha lu bona Linzwi la Hae li talelezwa. Si eza sikamañi? Si Li nepela hape fa mautu a sona hape. Amen.

71 Peu ya niti ya Abrahamama ya Li lumela. Ya Li ziba. Mi Yena uyemi, busihu boo, sina mwa Na katanezi Abrahamama kwani mwa mazazi a Lota ni kueza makazo yani, sina mwa Na ezelize ka kubulelela Sarah kwa mulaho wa Hae. Jesu na sepisize, Peu ya Silena ya Abrahamama, kuli Keleke ika bona nto yeswana yani Kutaha kwa Hae ku si ka ba kale. Ki sikamañi seo? Sina ni kuezahala. Mulimu na sepisize cwalo. Jesu Kreste na li pakile ni kubulelela kuli kukaba ona cwalo, mi ki luna ba fa kacenu, kasumulaho wa myaha ye likiti zepeli, ku Mu bona mwahala luna, isali yena Mukomi yamata! Na komile lifu, lihele, libita, kuakaleza kaufela; kunga Linzwi . . . ? . . . yena. Eeni.

72 Mi ali, “Ha muina ku Na, ni Manzwi a Ka aina ku mina, mukupe se mu lakaza mi si ka fiwa ku mina.” Neli sikamañi sani? Ki Linzwi, Kreste, Yali mwa pilu ya hao. “Ha muina ku Na, Manzwi a Ka aina ku mina, konakuli mu komile lika kaufela kakuli Ni mi komezi zona. Ha muina ku Na, haiba mukona ku Ni utwisisa, haiba mukona kuina ku Na. Ya Ni lumela, ya Ni amuhela; isiñi tumelo ya kulikanyisa fela, kono ki ya kona kuamuhela. Ya utwa Manzwi a Ka, a utwisise Manzwi a Ka, mi alumela ku Ya Ni lumile, una ni Bupilo bobusafeli; mi hana kutaha mwa muliko, kamba katulo, kono u zwile mwa lifu kukena mwa Bupilo.” Ki Yani fani, yena Mukomi yamata!

73 Ki Yo fa kacenu, wa swana maabani, kacenu, ni kuyakuile. Fa U sweli kueza fapila Peu ya Abrahamama, ye bizizwe kuzwa mwa Babilona, abizwa kuzwa mwa Sodoma, abizwa kuzwa mwa lifasi, ni ku kauhana, kubonisa sepiso ya Hae handende ona cwalo. Kasumulaho wa myaha ye likiti zepeli, ki Yo uyemi mwahala luna, busihu boo, yena Mukomi yamata yani, lona Linzwi la Mulimu Yakona kulemuha milelo yeli mwa lipilu, ni maikuto ayona. Ki sikamañi seo? “Peu ya hao ika koma minyako ya lila za yona.” Ki sikamañi seo? Ki Peu ya Abrahamama, yona Peu ya silena, ye kulumela Linzwi. Mi Linzwi ki—ki Linzwi Mulimu.

74 Cwale ha lu bona se, lwa kona kuhuwa ni bona, sina muloki wa kale ha naize:

Kupila, A ni lata; kushwa, A ni pilisa;
 Kupumbekwa, A lwala libi zaka;
 Ku zuha, A ni beya ya lukile kamita:
 Zazi leliñwi Uka taha—Oh, ki lizazi la kanya!

75 Yomuñwi naize, “U ya u supala, mushimani tuwe.” Hani koni kuitiisa.

76 Ni pilile kuzwa hane Ni sali mushimani yomunyinyani, taba yaka yene Ni ninze nibata ki kubona Kutaha kwa Jesu Kreste. Ni file bupilo bwaka ka mulelo woo. Ni sa li fa katala, sina muuna muhulu, Ni lumela Likande leliswana, mi taba yetuna hahulu ye Ni kona kunahana ki kubona Jesu Kreste ha zwa mwa lihalimu ku to amuhela Beili ba Hae. Mulimu, mi cwale mawi. . . Ki kabakaleo lu kona kuopela:

Kaufela mu lumbe mata a Libizo la Jesu!
 Mangeloi awe ka mañwele;
 Amutise mushukwe wa silena,
 Ni ku Mu apesa mushukwe yena Mulena wa boote.

77 Kiñi? Ki yena Mukomi yamata kaufela. Haiba u ku Yena, u mwa Linzwi. Mi ali, “Ha muina ku Na, mukupe se mu lakaza.” “Se mu lakaza,” kakuli munyako kaufela u komilwe kale. Mi lukona kubulela kuli:

Kakuli sepiso kaufela mwa Buka ki yaka,
 Kauhanyo kaufela, timana kaufela, ni mubamba.
 Ni sepa mwa Linzwi la Hae la Bumulumu,
 Kakuli sepiso kaufela ye mwa Buka ki yaka.

78 Balikani, kana mwa ziba taluso ya seo? Sepiso kaufela yeo Mulimu nafile Abrahamama, sepiso kaufela yene bulezwi ki bapolofita, sepiso kaufela yana sepisize Jesu Kreste mwa lizazi le, Uteñi mo ku to i lumeleza ni ku bonisa kuli Wa pila kuyakuile. “Peu ya Hao ika koma munyako wa lila.”

79 Ha li fita fa hola ya lifu. Mu li, “Ku cwani ka seo?” U sa na ni Liluwo la na bulezi Paulusi kuli. “O wena libita, ikai tulo ya hao? O wena lifu, bukai buhazo bwa hao? Kono tumbo ibe ku Mulimu, Ya lufa tulo ka yena Mukomi yamata yani, Jesu Kreste.” Oh!

Mangeloi awe ka mañwele;
 Amutise mushukwe wa silena,
 Mi mu Mu apese mushukwe Mulena wa boote.

80 Busihu boo, kasamulaho wa myaha ye likiti zepeli, lu yema ku Mu bona, ibo, yena Mukomi yamata Yana pazuzi lisila lene li lu kauhanya kwa sepiso ya Mulimu kaufela, mi lu fita batuli ku Yena. Halu lapeñi.

81 Ndate yakwa Lihalimu, halunze lu yema mo, busihu cwana, fa Pila Moya o Kenile, yena Mutu yomutuna yani wa Jesu Kreste mwa mufuta wa Moya, Ya na sepisizwe kutaha fa Peu

ya Abrahamama, yona Peu ya silena. Lwa lapela, O Mulimu, haiba kuna ni muuna kamba musali, mushimani kamba musizana, mwahali mo, ya sa Ku zibi; ya na ni kukakanya ni kufilikana mwa minahano ya hae, ka Linzwi la Mulimu, haiba Ki yona Niti kamba nee. O Mulimu Yomutuna, Ya na file sepiso, taha busihu bwa kacenu! Kuna ni sepiso iliñwi yetuna yo No file, Mulena; Wakona kubuluka sepiso yeo, No ize, “Ya lumela ku Na, misebezi ye Ni eza uka ieza ni yena; yemituna kufita ye ki ya ka eza, kakuli Ni ya ku Ndate.” Mulimu Ndate, lu lapela kuli U pake Linzwi la Hao.

⁸² Kuna ni bana babañata ba Abrahamama mo busihu cwana, baba kula. Oh, diabulosi u ba kiyezi; ba li beile mwahali, mi ba fetuzi linotolo, mi ali, “Cwale u lukela kushwa; una ni butuku bwa pilu. Una ni *se, sani*, kamba *sesiñwi*, mi una ni kushwa.”

⁸³ O Mulimu, mi cwale tolombita ya tukuluho, busihu boo ilile, ya Evangeli, kuli mutanga kaufela a tamuluhe! Jesu Kreste u komile minyako yani. Lu sweli linotolo mwa mazoho a luna. Oh! “Ka Libizo la Ka ba ka leleka mioya ye maswe. Ha mu kupa Ndate sika kaufela ka Libizo la Ka, Ni ka si eza. Ya lumela ku Na, misebezi ye Ni eza uka i eza ni yena. Linzwi la Mulimu li buhali mi li mata hahulu kufita mukwale o lozizwe kafa ni kafa, o puma fahali a mooko ni masapo, mane ni kulemuha milelo ya mwa pilu.”

⁸⁴ “Mi sina mo ne kuinezi mwa mazazi a Nuwe, kona mo ku kabela ni ha taha Mwana mutu, kakuli ne ba kuca, kunwa, kunyalana, kunyalisa; litukiso zetuna za miyaho.” Mi lu talima lifasi, “Ku kaba lisupo, ze sabisa mwa lihalimu (ze ki lika zefufa), lizikinyeho mwa libaka zeñata, liwate linze li pikuluha (mandinda a liwate), pilu za batu za njanja (sabo), ñalelwa mwahala naha, nako ye komosa.”

⁸⁵ “Mi sina mo ne kuinezi mwa mazazi a Lota, kona mo ku kabela ni ha taha Mwana mutu.” O Mulimu, taha busihu bo mi u pete Linzwi la Hao, taha busihu bwa kacenu mi u kuteke tumelo ya bana ba Abrahamama. Ka Libizo la Jesu Kreste lwa likupa. Amen.

⁸⁶ Mulena ami fuyole, ka kutala. Hanina ku ba ni pizo ya kwa katala ka yona nako ye. Ni ka mi siyela zona. Ni sepa cwalo, linako zeñata, lipizo za kwa katala. . . Na lumela ni zona. “Kono baba amuhezi kaufela, ba kolobezwa.” Kona cwalo, “Babañata baba Mu amuhezi.” Lu ka lapelela bakuli.

⁸⁷ Ne ni ka bulela fa busihu kaufela. Mina mu sicaba sesinde. Kono se Ni bulela ki mutu fela; kono haiba Ni bulela Manzwi a Hae, konakuli ha ki manzwi aka, ki Manzwi a Hae. Haiba Ni bulela sika, mi Mulimu ha si yemeli, konakuli leo ki linzwi la ka. Haiba Ni bulela Linzwi la Hae, mi Wa Li yemela, ki mañi muuna wa sibi yani kamba musali, mushimani kamba musizana, ya ka nanuha ni kubulela kuli ha Ku cwalo?

88 Jesu, na bulezi ha Na ezize lika ze, ne ba ize, “Muuna yo ki mulauli. Ki diabulosi!” Ki mulauli, mutu kaufela wa ziba kuli kulaula ki kwa diabulosi. Ki hali, “Ki munuhi wa litaba.” Kono kana mukile mwabona mulauli ha kutaza Evangeli? Kana mukile mwabona mulauli ha leleka mioya? Batili, kaniti, ha ba ezangi cwalo.

89 Ki hali, “Cwale, Na Mwana mutu ni ka mi swalela ka se. Kono cwale Moya o Kenile ha u so tile, ku to bulela ka ku U lwanisa hakuna ku swalelwa mwa lifasi le kamba lifasi le li taha, kakuli ki kubiza musebezi wa Mulimu kuba moya o masila.”

90 Mulimu alu utwele butuku, busihu boo, mi Ni lapela kuli Mulimu atahe ato paka Linzwi le fapila mina.

91 Muzwale, kezeli, wo ki moyo waka. Ni lukela ku kopana ni Mulimu. Ni na ni buikalabelo ka se Ni bulela ku mina. Mulimu uka ni atulela sona. Yeo ki niti. Ki bunde mañi bo ne bu ka ni ezisa kuyema fa ni kubulela lika ze haiba Ne ni ziba kuli Ni nyaza moyo wa ka kuliba kwa lihele?

92 “Kuna ni nzila ye bonahala kuluka ku mutu, kono mafelelezo a yona ki nzila ya lifu.” Mulimu hatokwi mutoloki. Sina ha Ni bulezi, Wa itolokelanga Linzwi la Hae Tota.

93 “Peu ya Abraham a ika koma munyako wa sila.” Kana mwa lumela cwalo?

94 Kambe Ne ni ka kona kuku folisa, Ne ni ka eza cwalo. Kreste u ku folisize kale. Taba fela, kikuli una ni sinotolo mwa lizoho la hao. Ona sinotolo seo kona tumelo ya hao, kuli u si swale. Si ki ulule, busihu boo, nji cwani? Mi Ha taha mwahala luna, yena Mukomi Yamata kaufela ya komile butuku kaufela, ni kutaha mo ku to mi bonisa kuli U ezize cwalo, kakuli Yena u sali Linzwi. “Mi Linzwi li lemuha milelo yeli mwa pilu.”

95 Ki kadi mañi ya tapelo? B, wani kuisa fa . . . Ne lu kalezi kai, busihu bobuñwi? [Yomuñwi uli, “Wani.”—Mu.] Halu kaliseñi kuzwa fa fifite. Ki mañi yana ni kadi ya tapelo B, fifite? Nanula lizoho la hao. Kadi ya tapelo B. Ne lu kalezi kuzwa fa wani busihu bobuñwi, cwale lu ka kalela kuzwa fa fifite, busihu boo.

96 Ki mañi yana ni B, B, fifite? Nanula lizoho la hao. Kadi ya tapelo B, fifite. Mu talusa kuli haiyo mo? Kana muna ni yona? Ku lukile, B, fifite. B, fifite-wani, ki mañi yana ni yona? B, fifite-wani, ku lukile. B, fifite-tu, ki mañi yana ni B, fifite-tu? Ku lukile, una ni yona. B, fifite-sili, fifite-foo, a kutahe kwanu. Fifite-foo, fifite-faifi.

97 Mushimani waka watahanga kwanu, Ni si ka taha kale fela mwahali, mi to shutanisanga makadi. Mi mubone mo a inezi, *alimuñwi* fa mi yomuñwi *fani*? Ha ba zibangi. Wakona kutaha mwa neku *le* cwana ni kuba ni wani, ya tatama ukona kuba ni teni, yomuñwi una ni twenti-faifi. Ha lu zibi kuli i kai, kono, kaufela ko ba inezi.

98 Cwale ki babakai bo lu bizize? Baketalizoho, babane? B, fifite. Neli B, fifite, nji cwani? [Yomuñwi uli, “Eeni.”—Mu.] B, fifite kuisa fa fifite-faifi. Fifite-sikisi, fifite-sebene, fifite-eiti, fifite-naini, sikisite. Cwale ha lu boneñi, alimuñwi, bababeli . . . Ba bale, Billy, mi luka . . . Sikisite, sebente, ha ba yeme pili, haiba mu lata. B, fifite kuisa fa sebente, sebente faifi. A ku babale, Muzwale Roy, haiba wakona, ha Ni sweli kuambola kwa sicaba.

99 Ki ba bakai kulo koo cwale hamunze mutalimela neku le, mi hamuna kadi ya tapelo?

100 Muhupule, Jesu naize, “Misebezi ye Ni eza muka ieza ni mina.” Kana ki niti yeo? Yeo ki niti. Kana mwa lumela cwalo? Peu ya Abrahamama i bulezi cwalo.

101 Bibele ibulela cwalo, kuli, “Ki yena Muprisita Yomutuna.” Maheberu, kauhanyo yabu 4, “Ki yena Muprisita Yomutuna yakona ku swaliwa ka maikuto a matuku a luna.” Kana mwa lumela cwalo? Haiba Wa swana maabani, kacenu, ni kuyakuile, kana Uka eza cwani zeo?

102 Nekuna ni musali yomunyinyani, mwa Bibele, sina ha mu lemuha se Ni bulela. Musali yomunyinyani, mwa Bibele, mwendi na sina kadi ya tapelo; kono a bulela mwa pilu ya hae, “Haiba Ni kona kuswala Muuna yani, Na Mu lumela.” Na sa sinyize kaufela zana nani, kwa ma dokota . . . ni madokota. Neba palezwi ku mutusa. Taba ya hae neli yetuna hahulu. Ne ba si ka mu tusa. Kono musali na lumela kuli Mulimu na ka mu tusa. Mi aswala mungundo wa Hae, wa sapalo sa Hae.

103 Mi ki Hali, “Ni lemuha kuli mata azwile ku Na.” Kana ku cwalo?

104 Kana mwa lumela kuli Yena ki ya swana, busihu boo? Kana mwa lumela kuli Uteñi mo? Ki babakai baba lumela kuli U zuhile kwa bafu? Cwale mukona ku paka cwani kuli Na zuhile kwa bafu?

105 Ha ki kale hahulu, muuna ya zibahala hahulu wa Baptist ataha ku na, mi ki hali, “Muzwale Branham, Ne ni komilwe—ya komilwe, nako yeñwi, ka Mohammedan yana bulezi cwalo. Na ize, ‘Haiba U zuhile, Na sepisize kuli Uka eza nto yeswana. Ha lu Mu boneñi ha eza cwalo.’” Mwabona, ba lumela kuli Na si ka eza cwalo.

106 Kono lu lumela kuli Wa i eza. Lu lumela kuli U zuhile kwa bafu. Hakuna bulapeli bobuñwi mwa lifasi bo bu kona kubonisa kuli mukalisi wa bona wa pila, kwanda Bukreste. Mi nzila fela inosi yeo Mulimu akona ku Li paka ka yona, ki ka bona baba li lumela; kakuli yeo kona nzila fela inosi Mulimu a eza ka Manzwi a Hae, ki bani baba Li lumela.

107 Cwale ha banze ba tomahanya mukoloko wa tapelo wo fa. Hani zibi kuli ki babakai bo luka fita ku bona. Ni bata kuli mañi ni mañi wa mina, muine mwa sibaka sa mina, muswale

sipula sa mina, musike mwa shenya shenya. Mutalime neku le mi mulapele, muli, “Mulena Jesu, Na lumela.”

¹⁰⁸ Mwa hupula, Na ni bulelezi kuli, “Haiba u ka konisa sicaba ku ku lumela; mi kipeto u sepahale ha u lapela.” Zeo libile mwahala naha ye, kukuta-kukutela, ka myaha ye lishumi ni ye ketalizoho, hakuna nihaiba nako iliñwi fo likile la palelwa. Ha li koni kupalelwa.

¹⁰⁹ Mulimu, nto iliñwi yeo Mulimu hakoni kueza, ki kupalelwa. Una ni kubuluka Linzwi la Hae. Na lumela cwalo. Ni lumela kuli ona cwalo fela mo Na . . . kufita mo Ni lumelela kuli Ni yemi fa, kufita mo Ni lumelela kuli Ni inzi mwa muyaho wo; ye ikona kuba pono ya kunuha fela, ikona kuba tolo. Mwa moyo waka, Ni kuli ziba Jesu Kreste Mwana Mulimu wa pila. Mi wena ka kuba Peu ya Abrahamama, ha u shwile ku Kreste, wena u Peu ya Abrahamama.

¹¹⁰ Cwale bana ni litaulo fa. Punyuhyo yetuna i ezizwe ka se, batu ba ba lumela. Cwale halu inamiseñi litho za luna, habanze ba itukisa, ni ku lapelela baa.

¹¹¹ Ndate yakwa Lihalimu, lu lutiwa mwa Bibebe, mi kuna ni batu mo baba lumela Linzwi kaufela leo No bulezi kuli kona Niti. Mulena, fokuñwi ba sitatala ni kunata fa lisuba la sinotolo, ni sinotolo, ku si mbwinja, ni ku potolosa, kono ba lumela kuli ki mona. Batuhele fela bazwele pili kulika-lika, ba ka li fumana, kakuli liteni fani. Mi sinotolo seo ki sinotolo se si swanela luli, “Haiba ukona ku lumela, lika kaufela za konahala.” Sina pina ha i nze i opelwa cwale, kamba kulila.

¹¹² Mwa Bibebe ibulela kuli, “Paulusi na ngile fa mubili wa hae litaulo ni masila, ni ku li lumela kwa bakuli ni baba imezwi, mi mioya ye masila neizwa mwa sicaba, mi ne ba foliswa.”

¹¹³ Cwale, Mulena, lu ziba kuli Mulumiwa Paulusi unzi ni Wena. Kono, ne si yena; neli Wena, Mulena, Kreste ku yena. “Ha ki na ya pila, kono ki Kreste yapila ku na,” a bulela.

¹¹⁴ Mi cwale kwa lusika lo, U sa li Kreste, kacenu, sina mo no inezi maabani. Mi ha Ni lapelela litaulo ze, ku li swala, Ni lapela kuli U yemele sila kaufela si komiwe. Ba fe tumelo, ku ba konisa ku ziba kuli sila si komilwe.

¹¹⁵ Mi nako yeñwi, Liwate Lelifubelu, sina ha lu sa zo bulela fela, Isilaele na pumilwe kwa sepiso, mi nebali mwa sibaka sa musebezi. Mi muñoli alimuñwi naize, kuli, “Mulimu na talimile fafasi ka meto a buhali, ka Siita sa Mulilo sani, mi liwate la saba ni ku kwalula minyako ya lona, mi se ba silela mwabuse.”

¹¹⁶ Talima fafasi, busihu bo, ka Mali a Jesu Kreste. Mi cwale, litaulo ze ha li ka beiwa fa bakuli, mi sila ha si bone tumelo ya luna, busihu bo, halunze lu lapela tapelo ya tumelo ye ku bona. Mi mutu ni mutu a tamululwe, ka Libizo la Jesu Kreste. Amen.

117 Cwale Ni bata kutwisiso ya mina ye si ka kauhana. Kamba ki mañi kaufela yali fa maiki kwanu, wakona ku ipahamisa kwa linzwi. Kakuli, haiba Moya o Kenile ulukela kueza se. . .Hani buleli kuli Uka eza cwalo.

118 Cwale mutu kaufela ya taha kwanu ku to mi bulelela kuli una ni mata a kufolisa bakuli, kana ha mu lumeli cwalo. Mata ateñi kaufela a ku Kreste. Ki yena Mukomi, isiñi mina ni Na. Lu amuhela fela Sa ezize. Hakuna mutu yana ni mata a kupilisa kamba kufolisa.

119 Mutu kaufela mwa lifasi, mulatu u lifilwe kale. Ze tokwahala li lifilwe kale. Neli cwani? “Na titikezwi bumaswe bwa luna, ka miupa ya Hae lu folisizwe.” Foliso ya—ya hao i lifilwe. Puluso ya hao i lifilwe. Kana una ni tumelo ya kutaha, u i amuhele? Ku felile. Haiba mu Peu ya Abrahamama, muna ni yona. Mulimu na sepisize cwalo. Kuna ni sesiñwi ku wena se si bulelela kuli si teñi, mi si cwalo.

120 Cwale mpo ki sikamañi? Ki mpo ya kuzwela kwande ku yo folisa sicaba? Batili. Mpo ki ku ikambusa ili wena mwa nzila, kuli Mulimu aituisise wena.

121 Cwale Na sepisize kuli, sisupo sa mafelelezo, kuya ka Jesu Kreste, “Sina mo ne kuinezi mwa mazazi a Sodoma, isika cisiwa kale.” Isiñi lika zeñwi li si ka ezahala kale, Evangeli ne i katalizwe ki Lota, ni zeñwi cwalo; isiñi zeo. Kono isika cisiwa kale, Mulimu atuluka mwa lifasi mwa mufuta wa mutu, ni ku to ina ni Keleke ye ketilwe, Abrahamama ni sikwata sa hae, bene bana ni sepišo.

122 Cwale muhupule, ki Peu fela ya Abrahamama ye amuhela se. “Fa nako nyana lifasi halina ku Ni bona,” Jesu abulela. “Mu ka Ni bona, kakuli Ni kaba ni mina, ku mina, ku isa kwa mafelelezo a lifasi.”

123 Kono Na sepisize, kuli Asika kuta kale hape, “Sina mo ne kuinezi mwa Sodoma,” mutalime mo i sweli kubela Sodoma; mutalime seo Keleke ye ketilwe se ili sona, ali, “kona mo ku kabela ni ha taha Mwana mutu.” Mulimu na bonahalile mwa mufuta wa muuna, kuli ni mukokoto wa Hae ufulalezi kwa tende, na bulezi sa na ezize Sarah mwahali a tende. Mañi ni mañi ya ziba kuli yeo ki Niti, nanula mazoho a hao. Yeo ki niti. Cwale Na li sepisize. Lu kwa nako ya maungulo. Cwale muhupule, yani neli nto ya mafelelezo ye ne ezahalile; mi lifasi la Bamacaba la cisiwa, Sodoma, mi mwana wa sepišo ataha mwa sibaka. Lu libelela Mwana wa sepišo, yena Mwana Mulimu.

124 Ki luna ba fa. Mi Mulimu a kwalule meeto a mina. Hakuna se ni ziba sa kubulela. Mi Yena a kwalule meeto a mina.

125 Cwale Ndate yakwa Lihalimu, Na hanina mata, Ni siñomoto fela sa lizupa so bupile hamoho, ni kuina fela kulo fa. O Mulimu, Nina cwale, busihu boo, nibe ni muhau wa Hao ni Pata, kuli ibe Wena ya ka itusisa maseli nyana a lizupa ona Obeile kulo mo.

Kuli bona, Mulena, bona Bo bizelize kwa Bupilo Bobusafeli, mi mwendi ha ba si ka amuhela Zeo kale, ha ba bone liseli zee. Mwendi ne ba lutilwe kuli zani ki za lizazi lisili, kono ki se fa mwa Bibe. Aku Li pake, Mulena. Yeo kona toloko ya Hao Tota. Hakuna ze tokwahala zeñwi kufita zeo. Haiba Uka eza fela cwalo, kona kuli ba ka bona kuli Linzwi ki la niti. Lumeleza cwalo, Ndate. Lu ipa ili luna ku Wena.

¹²⁶ Tuhela kuli mutu kaufela mwahali mo, Mulena, aitusise tumelo ya hae, busihu boo. Mi cwale membala kaufela wa Lusika lwa Abrahama, ka Jesu Krete, abe ni tumelo, busihu cwana, ni kuamuhela Pata ya Hao. Mi lu ka Kufa milumbeko. Amen.

¹²⁷ Cwale, kana se ki sa kuli- . . . Cwale se ki sesinca. Ni bata kuli mu ni tuse cwale, mu ni lapelele. Muine ka kukuza luli, musike mwa zamaya zamaya. Muine mukuzize, mulapele.

¹²⁸ Cwale, mwabona, ya cinca kuzwa kwa kuhasanya evangeli, ibe ka kuiketa mwa Moya wa Mulimu kuli ami lwale handende kukena mwa kalulo yeñwi.

¹²⁹ Cwale ki yo fa mwanana yo . . . Taha kwanu fa nako nyana, kalibe. Mi fela . . . Zeo li lukile, kuli Ni sike na ba fahule ni maiki ye. Mwabona, Hani zibi ze ezahalanga, mwa bona, mi cwale linako zeñwi, mwa ziba . . . Cwale nzila fela ye Ni ziba ka yona, ki—ki fa maiki, mwa bona, mi balika ku li lemuha kwande kwani, mi ha Ni zibi fela kuli ki sikamañi.

¹³⁰ Cwale lu baenyi ku mañi ni mañi. Ha ni ku zibi, nali kuba ni ku bone fateni mwa bupilo bwaka. Kono u mwanana nyana ku Na. Mi ne lu pepilwe mwa libaka zeshutana fahali, ni myaha ye kauhani. Ye kona nako ya luna yapili mwa mukopano. Kana ku cwalo? Haiba ku cwalo, nanula lizoho la hao kuli sicaba sibone. Cwale, yena ki musali fela ya yemi fa.

¹³¹ Mutalime, mu li kutiseze kwa Mañolo. Halungeni Muñoli Joani 4. Mañi ni mañi wa mina mu ibale hamukaya kwa mandu. Isiñi—isiñi kuli musali yo ki mufuta wa musali; Ha ni zibi. Mi muziba kuli ha Ni Jesu Krete. Kono Yena uteñi mo. Ki Yena. Cwale Moya wa Hae wa lu toza, wakona kupatulula butata bwa hae, sina mwa Na ezelize ku musali fa lisima. Ki nto yeswana.

¹³² Mi, ka sani, koo baprista ni baeteleli ba lizazi lani, neba ize, “Muuna yo ki mulauli, kamba diabulosi, Baalezebubi.”

¹³³ Musali yo ali, “Muñaka, Ni lemuha kuli U mupolofita. Lu ziba kuli Mesia wa taha, mi sani ikaba sisupo sa Hae.”

¹³⁴ Cwale, ki ba bakai baba ziba kuli yeo ki niti? Kihande, haiba Wa swana maabani, kacenu, ni kuyakuile, kana seo ha si koni kuba sisupo sa Hae busihu boo nji? Kana Na sepisize kuli ikaba cwalo, ku sikaba kale mafelelezo a nako? Cwale mubone haiba U buluka sepiso ya Hae kwa Peu ya Abrahama.

135 Cwale haiba yomuñwi mo unahana kuli ki mafosisa, taha fahalimu fa u to eza zeswana. Haiba ha ku cwalo, konakuli usike wa bulela sika ka zona. Una ni lithonolo.

136 Cwale, ka Libizo la Kreste, Ni beya moya kaufela mwatasa zamaiso yaka, kwa kanya ni likute la Mulimu.

137 Ni ka ambola fela ku wena, fa nako nyana, kalibe yomunyinyani. Wa ziba, Mulena luna na ambozi ni musali yani fa lisima. Ki hali, “Aku Ni fe kwa mezi.” Ki sikamañi sa Na eza?

138 Cwale mutalime, Na ize, ku Muñoli Joani 5, “Kaniti, niti, Ni li ku mina, Mwana,” yani neli Yena, mubili, “hakuna se ni kona kueza kuna Ninosi,” konji fela Za bona ku Ndate aeza. “Sa eza Ndate, U si bonisa ku Mwana. Mwabona, hakuna se Ni kona kueza ka Na muñi, kono sina ha Ni bona Ndate a si eza.” Mi, Jesu na si ka eza makazo iliñwi konji pili Mulimu a Mu bonisa ka pono; na si ka Mu bulelela ka zebe ya Hae, kono a Mu bonisa. “Se Ni bona,” isiñi kuutwa, “kubona Ndate a eza.” Sani kona sene si Mu ezize kuba Mupolofita sina Mushe, sina Mushe ha na bulezi. Cwale ha Na—Na ziba Ndate . . . Na li fa . . .

139 Na ya kwa Jeriko, kono Na tokwa kuya kwa Samaria, mi Ataha kwa munzi wa Sikare. Mi cwale mubone, Masamaria ne ba libelela Mesia.

140 Majuda neba sweli ku libelela zeo, mi A ba bonisa sisupo sa Hae. Filipi, Natanaele, Pitrosi, sisupo sani si sa ezahala fela, se bali, “Ki wena Mwana Mulimu.”

Muluti ali, “Muuna yo ki Baalezebubi.”

141 Kono cwale muhupule, Bamacaba, luna, ne luli ba Anglo-Saxon, ne—ne lu sa libeleli Mesia ufi kaufela. Ne luli mahedeni, Maroma, ni babañwi cwalo. Ne lu sa libeleli Mesia ufi kaufela. Yena utahanga fela ku baba Mu bata.

142 Kono Masamaria ne ba Mu libelela, kacwalo Nana ni kuya ku bona, kwani kwa Samaria. Aina fa siliba. Musizana yomunyinyani, mwendi wa siyemo sa hao, a taha. Nali musali wa libubo le li maswe. U balile likande, Na sepa. Mi ki Hali, “Musali, aku Ni fe kwa mezi.”

143 Musali ali, “Oh, ha ki swanelo ku Wena, Mujuda, ku kupa Musamaria ze cwalo.”

144 Ki hali, “Kono kambe wa ziba Yo ambola ni yena, no ka Ni kupa mezi.”

145 Ngambolo ya zwelapili. Mafelelezo, A fumana fo ne kuna ni butata bwa hae. Mwa hupula mo ne kuinezi? Nana ni baana babañata hahulu. Mi ali, “Zamaya u yo biza muuna hao, mutahe kwanu.”

Musali ali, “Ha nina muuna.”

146 Ali, “U bulezi hande,” ali, “kakuli ubile ni baketalizoho, mi yena yo pila ni yena cwale ha ki muuna hao.”

147 Musali ali, “Muñaka, Ni lemuha kuli U mupolofita. Lu ziba kuli Mesia ha ka taha, Uka lu bulelela litaba zee.”

Mi Yena ali, “Kina Luli.”

148 Musali asiya ndondo ya hae ya mezi, amatela mwa hae, mi ali, “Amutahe, mutobona Muuna Ya ni bulelezi ze Ni ezize. Kana yo ha ki yena Mesia?” Neba sina mupolofita ka lilimo ze mianda anda. Mi fa nekuna ni Muuna yana ipiza kuba Mesia, mi apaka kuba—kuba mupolofita, ni kubonisa sisupo sa Mesia.

149 Kana li ka ku konisa kulumela nto yeswana, haiba Na ka ezize nto yeswana, kakuba kuli Yena wa swana maabani, kacenu, ni kuyakuile, mi usepizize ka Mañolo a kuli Uka eza cwalo?

Kana si ka eza kuli sicaba si lumele?

150 U katazwa ki butata bwa lipiyo. Haiba yeo ki niti, nanula lizoho la hao.

151 Ki kabakalañi sani ha si ni natanga mwa pata? Yomuñwi uli, “U nuhile sani.” Ha ni si ka nuha seo.

152 kiyo fa, musali yomunde. Kana mwa ni lumela? Cwale mwa ziba Ne ni si ka nahana zeo. Halu boneñi ni bulele nto isili fela. Muuna hao una ni wena. U kulile, ni yena. Nji cwani? Ki mukokoto moongola. Yeo ki niti. Nji cwani? Una ni mushimani yomunyinyani ni wena. Wa kula, ni yena. Ubata kuli alapelelwe. Una ni se si fosahalile kwa meeto a hae. Yeo ki niti. Una ni musizana yomunyinyani ni wena, una ni butata bwa lipiyo, sina wena. Ki niti yeo nji? Cwale kaufela mina mwakona kuba hande, haiba u ka lumela. Kana wa lumela cwalo? Mulimu aku fuyole. Ikele mwa musipili wa hao mi mube hande.

153 Kana mwa lumela? Yena wa swana maabani, kacenu, ni kuyakuile. Ki sikamañi seo? Ki sikamañi Sa lika kueza? Ku mina, Peu ya Abrahama, U mi bonisa kuli Ha si ka shwa. Na ha ni koni kueza lika zani. Ha si ka shwa. Kono Yena wa pila, ku mi bonisa kuli muna ni tukelo ya kukoma minyako ya sila sa mina. Zeo li lukela ku kondisa lika.

154 Kalibe yoo, taha neku le, fa nako nyana fela. Lu inzi mwahali, mwendi lu zeka butaka, Na sepa. Kono lu—lu baenyi ku mañi ni mañi, kuya ka mo Ni zibela. Ha ni ku zibi, mi lu baenyi. Hakuna se ni ziba ka wena. Haiba yeo ki niti, nanula lizoho la hao, mwabona. [Kezeli uli, “Yeo ki niti.”—Mu.] Kuna ni yakufile fela kadi ya tapelo, mi ki wena yoo fa. Ku lukile. Cwale haiba Mulena Jesu. . .

155 Haiba Na, mwendi, ni bulele kuli Ne ni ka lika kunga sibaka sa Muzwale Oral Roberts, kamba yomuñwi yomutuna wa baana ba tumelo bani, Ne ni ka bulela kuli, “Kalibe, ki butata mañi bobuli ni wena?”

156 No ka bulela kuli, “Kihande, Nina ni sa *kuli-ni-kuli*.” Cwale, hakulata hakoni kuba hande. Mwabona? Ha ni zibi. Mwabona? Kono, yena, wakona ku mu bulelela ze fosahalile.

157 Na ka ku beya mazoho, ni kubulela kuli, “Mulimu u ni lumile ku—ku to lapelela bakuli. Kana mwa lumela cwalo?” “Eeni.” “Kanya ku Mulimu! Zamaya, ulumele cwalo.”

158 Ku lukile. Ku lukile. Mulimu na sepisize cwalo. Kono, mwa bona, lupila fahule nyana mwa—mwa lizazi kufita foo. Jesu na sepisize, “Sina mo ne kuinezi mwa mazazi a Sodoma. Misebezi ye Ni eza muka ieza ni mina.”

159 Cwale haiba Mulimu wakona ku ni bulelela so bile sona, wa ziba haiba yeo ki niti kamba nee. Wa kona ku mi bulelela so ka ba sona. Mi haiba yeo ki niti, ye ikaba niti, hape. Haiba A ku bulelela, sika kaufela, Ha ni zibi; kono haiba Uka ni bulelela butata bwa hao.

160 Kikuli mu ka lumela, ni mina, sicaba?

161 Luli ni lukela kutuhela. Yona nako iliñwi yeo, mutu yani yanali kwanu nako nyana yefitile, ulukela ku li paka. Jesu na ezize cwalo hañwi. Na si ka eza cwalo hape ka nako yeñwi hape. Mutu kaufela mwa Sikare na lumezi cwalo, ba lumela bupaki bwa musali, ha taha, a ba bulelela, mi nali musali wa libubo le li maswe. Mukreste kona a sa zo zwa fela kwa katala, fapila mina kaufela! Amen. Kono ka kuba kuli seli manzibwana kufita mo lu nahanela, mi Mulena azwelepili ku iponahaza Iliyena, yena yomutuna, Mukomi yamata, ili kuli Peu ya Abrahamama. . . Kono sina Abrahamama, Na ezize cwalo ku Abrahamama, nako yeñwi; mi asinya sani, mi aeza cwalo hape. Abrahamama atundamena kulumela Mulimu.

162 Ha u si ka taha kwanu ka za hao. U tile kwanu bakeñisa mutu usili, mi yoo ki kalibe. Ki kezela hao. Mi kalibe u apesizwe ki muluti wa lifu. Mi ukula ki—ki butuku bwa shuka. Mi ha zweleli kwanu. U zwelela kwa. . . U zwelela kwa Louisiana, ki naha ya masa. Kuli. . . Mi ki ye taba yeñwi, kuli sicaba si zibe taba ye. Una ni mwana musizana ya kula hahulu, ya bata kuli abe kwa mukopano wo, mi una ni butuku bwa kanono. Yeo ki niti. Yeo ki niti. Nji cwani? Kana wa lumela cwale? [Kezeli uli, “Eeni. Amen.”—Mu.] Haiba u Peu ya Abrahamama, mu i amuhele ni kuzwela fande, mi u foliswe ka Libizo la Jesu Kreste.

163 Kana wa lumela? Kiniti. Muhupule, ki sepiso ya Hae. Na bulezi kuli Uka eza cwalo. U buluka sepiso ya Hae.

164 U ikutwa cwani? Lu baenyi ku mañi ni mañi. Ha ni ku zibi. Kono Mulimu wa ku ziba. Kana wa lumela kuli haiba Mulimu a kona ku patulula kuna butata bwa hao, konakuli uziba kuli lina ni kuzwa kwa mata amañwi a moya. Cwale, kuna ni fela lika zepeli ze kona kuzwa ku zona, zeo ukona ku nahana. Ha li ezahala, li fitelela taluso, kakuli ki ze ipitezi. Mi, hape, ki makazo; sesiñwi, kihande, ha si utwahali hande, ibo ki niti. Ikona kuba makazo. Mi cwale wa ziba cwalo, kamba ki niti kamba nee, uka ziba haiba U ku bulelezi niti.

165 Cwale, uhupule, Hani ku zibi. Ilukela kuba Yomuñwi kwanda ka. Haiba ueza sina Bafarisi, ni kubulela kuli, “Oh, ki moya o maswe,” kona kuli una ni mupuzo wateni. Haiba u lumela kuli ki Kreste, una ni mupuzo wa Hae. Libaka le mukona ku li lumela, kakuli Na li sepisize mwa lizazi le, mi ha li si ka zwelela ka nako yani ku ye. Kona se si ieza kuuba nako ya maungulo.

166 Kuna ni ya sweli ku bonahala fapila hao, ka nako kaufela. Ki muuna, wa milili ye seta ya limbi. Ki muuna hao. Ya inzi ona foo. U lika ku amuhela foliso ya hae, kakuli u apesizwe ki kansa, sitombo tuna, kansa. Una ni butata bwa lipiyo, butata bwa sinya. Ki wena Mutu, ni Musala Bo. Little. Ki niti yeo nji? [Kezeli uli, “Eeni.”—Mu.] Ulumele ka pilu ya hao kaufela, mi ufoliswe.

167 “U bulela kuli, libizo la hae?” Kiñi, kiniti. Kana Jesu na si ka bulelela Pitrosi kuli, “Libizo la hao ki wena Simoni, mwana Jonasi naa”?

168 Ki yo fa muuna. Lu baenyi ku mañi ni mañi, sha. Ha ni ku zibi. Kono wena u muuna, sina—sina Pitrosi ya na tile ku Mulena Jesu, lwa taha hamoho. Kana wa ni lumela kuba mutanga Hae? Kana wa lumela kuli se Ni bulezi ki niti? [Muzwale uli, “Eeni, sha. Na lumela, sha.”—Mu.] Haiba mwakona ku lumela cwalo! Na, haiba kuna ni sika kaufela se Ni kona ku kuezeza, Ne ni ka eza cwalo, kono hakuna se Ni kona kueza. U si ezize kale; ki nto fela ya kuli wena u si lumele kihona. Mi, wabona, haikoni kuba na. Kambe ki na, Ne—Ne ni ka ku ezeza kaufela ze Ni kona. Kono Na ni file mpo, mi Na ikatulusa fela fapila Hae, mi Yena ki yena yasweli kubulela. Kana wa lumela cwalo? [“Eeni.”]

169 Kana wa lumela cwalo, sicaba?

170 Ne ni bata kufumana mutu. Una ni lika zeñata ze fosahalile ku wena. Kono iliñwi ya lika ki kuli, una ni sikoto se si melile fa liito la hao la silyo. Bwani kona butata bwa hao. Ki ye taba yeñwi, musali usweli ku bonahala fa. Ki musala hao. Kana wa lumela kuli Mulimu wakona ku ni bulelela butata bwa musala hao fa? Butata bwa hae bu mwa hanu. Ki meno a hae. Yeo ki niti. Kana u lumela kuli yena Jesu yaswana, Ya na zibile yoo Simoni Pitrosi nali yena, wakona kuni bulelela yo uli yena? [Muzwale uli, “Eeni.”—Mu.] Kikuli li ka kutusa kulumela ka kutiya? [“Eeni, sha.”] Ika eza? [“Eeni.”] Oscar Barnes. [“Yeo ki niti.”] Kana ki niti yeo? Ikele mwa musipili wa hao, u foliswe.

171 [Hakuna manzwi fa tepu—Mu.] . . . muenyi ku wena. Ha ni ku zibi, kono Mulimu wa ku ziba. Kana wa lumela kuli Wakona ku ni bulelela butata bwa hao? Kikuli uka lumela ka pilu ya hao kaufela? Butata bwa hao bu inezi fa mumizo, mi ni mwa sifuba fa. Ki—ki lisapo le lisweli kubola. U na ni tusolondo, cwalo, ni manungo cwalo mwahali a lisapo. Yeo ki niti. Ha u zweleli kwanu. U mwa—mwa munzi ona ni litolwana zeñata za ma olonji. U yahile mwa musindi cwalo, ni malundu a bonahalela fahule kwa mulaho wa ona. Kuna ni hotela ye bizwa Antlers. Ki

San Bernardino. Kwani kona ko zwelela. Kuta, Jesu Kreste kele a ku folisa, haiba uka lumela cwalo.

172 Kuna ni fela nto iliñwi yekona kufolisa kansa, yani ki Mulimu. Kana u lumela kuli Uka ku folisa? [Muzwale uli, “Na lumela luli.”—Mu.] Lumela cwalo! Zamaya, mi Mulena Mulimu aku eze ya iketile hande butu kaufela.

173 Cwanoñu nyana ubile ul- . . .ki kuikalelwa ko kuipitezi, ya filikani fela. Ka kuikalelwa kwa, mba ya hao ikeni mwa buino boili kubona. Ha u koni kukaya lico za hao; kulitisa mwa mulomo wa hao. Ki mulyani obaba oli mwa mulomo wa hao kaufela. Mwa musihali, ubanga ya katezi hahulu ni lika kaufela. Una ni litombo za mwa mba ku wena. Kana u lumela kuli yena Jesu Kreste yani wakona ku ku bulelela cwalo? [Kezeli uli, “Eeni.”—Mu.] Zamaya u yo icela mulalelo wa hao, kanti. Ulumele ka pilu ya hao kaufela, Jesu Kreste wa ku folisa.

174 U iikutwa cwani? Kuna ni zeñata ze fosahalile. Kono iliñwi ya lika zo saba, u ka ba sihole ni kuopa mwa lingongo. Kono kana u lumela kuli Mulimu uka ku folisa, a ku eze hande ku zeo? [Kezeli uli, “Eeni.”—Mu.]

175 Mulena Jesu, Ni lapela kuli U lumeleze cwalo ku kezela ka. Aku mufe kubona kwa hae. Zwisa butata bwa sisali kuzwa ku yena, ni kueza kuopa mwa lingongo kube hande, ka Libizo la Jesu. Amen.

176 Zamaya cwale, unzo lumela. Uka li eza cwalo, mi ku kaba hande. Usike wa kakanya, zwelapili fela ku zamaya, mi ulumele ka pilu ya hao kaufela.

177 Butuku bwa pilu ki nto yetata, kono Kreste wa folisa pilu. Kana wa lumela cwalo? [Kezeli uli, “Eeni.”—Mu.] Zamaya, u lumele cwalo, mi kaufela li ka ezahala. Ku felile.

178 Kana u lumela kuli uka ba sihole? Batili, Ha ni sepi cwalo, nina. Muhupulo waka, kuopa mwa lingongo; muluti wani fani, oh, yeo ki kansa. Kana u lumela kuli Uka i folisa? [Kezeli uli, “Eeni, Na lumela.”—Mu.] Zamaya, ulumele cwalo. Uka ku folisa.

179 Libile li ku kataza, kuitulela nyana, kutibana kwa misinga mwa pilu. Kono kana u lumela kuli li ka fela, busihu boo? Zamaya, ulumele cwalo, Jesu Kreste wa ku folisa.

180 Neli butata nyana, kuzwa mwa butata bwa sisali, fa nako yetelele. Mi cwale, wa lumela, wa banga ni nako yetata ha u zuha kakusasana. U omelezi, mwa mahutu a hao. Haukonangi ku zamaya, kufitela mwa lizazi, nako ya musihali. Ki kuopa mwa lingongo. Zamaya, usike wa kakanya, hauna kuba ni zona ni kamuta. Ulumele fela cwalo, ka pilu ya hao kaufela.

181 Una ni litaba zeñata nyana, ki matata-tata. Kono nto iliñwi ye ku kataza hahulu, hape u nahana za kuopa mwa lingongo, ili zona mane, ze kubisa sihole. Kana u lumela kuli Uka ku zamaisa

ni kukueza hande? [Kezeli uli, “Eeni, sha.”—Mu.] Zamaya, ulumele ka pilu ya hao kaufela, Jesu Kreste uka ku folisa.

¹⁸² Pilu ye ikalelwa, ni kuopa mwa lingongo, kono kana wa lumela kuli Mulimu uka ku folisa? Wa lumela? Zamaya, mi Mulena Jesu aku folise.

¹⁸³ Mba yeo luli i ku file butata bobutuna luli mwa lilimo nyana zefitile, nji cwani? Halisana ku ku bilaeza ni kamuta. Zamaya, ulumele cwalo. Mulimu aku fuyole. Ufoliswe.

¹⁸⁴ Wa kona, ni wena, mba ya hao ifolisizwe. Zamaya, ulumele ka pilu ya hao kaufela. Usike wa kakanya.

¹⁸⁵ Ubile ni nako yetata ha u buyela, asima yeo isweli ya ku totobeza. Nji cwani? Kana u lumela kuli li ka ezahala cwale? [Muzwale uli, “Eeni.”—Mu.] Ku lukile, zamaya ulumele cwalo. Amen.

¹⁸⁶ Haleluya! Kana u lumela ka pilu ya hao kaufela?

¹⁸⁷ Fa nako nyana fela. Kana hauboni Liseli lani fani? Kalibe nyana yomunsu yasweli ku ni talimela, yainezi fafasi fa, una ni se si melile kwa makupo a hae. Una ni butata bwa lipiyo, matata. Una ni tumelo yeñata. Ha u lukeli kutaha kwanu. Ku felile. Aku li lumele fela. Amen. Ube ni tumelo ku Mulimu!

Kana mwa lumela cwalo?

¹⁸⁸ Kikuli wa lumela cwalo, kezeli, uka foliswa kwa butata bwa moongola boo, inge uinzi cwalo? Kana u lumela kuli Uka ku folisa? Kihande. Fela usike wa kakanya, mi wakona kuba ni zona haiba u lumela fela.

¹⁸⁹ Muuna yainzi fa, yasweli ku ni talimela, ukula butata bwa siinya, u zuhanga busihu ni lika zeñwi. Kana wa lumela, sha? Ku ka fela, konakuli, ki haiba u lumela cwalo.

¹⁹⁰ Fa kuna ni muuna yomunsu yainzi fa, yasweli ku ni talimela. U katazwa ki kanono. Ni yena u sweli kubata kolobezo ya Moya o Kenile. Yema ka mautu, sha, amuhela foliso ya hao. Mi Mulimu akufe kolobezo ya Moya o Kenile. Amen.

¹⁹¹ Wena yainzi fa halimwa hao, kuna ni mwana yainzi fani, ni yena hape una ni kanono, ki mufuta wa kuwelelanga mane, yainzi foo, kwa neku leliñwi. Kana u lumela kuli Mulimu uka folisa mwana, foo? Kana u lumela ka pilu ya hao kaufela? Konakuli Mulimu uka folisa mwana yo.

¹⁹² Kana mwa lumela, mañi ni mañi wa mina? Kana haki—haki Yena, kana ha ki Yena Peu ya Silena ya Abrahama? Kana ha ki Yena Mukomi yamata kaufela? Kana Na sepisize kuli mwakona kukoma minyako ya sila?


¹⁹³ Ki babakai ba mina baba tamilwe, baba ikutwa kuba mwa ñalelwa ya sila? Nanula mazoho a hao, kuli u ikutwa ñalelwa ya sila. Mi wena u Peu ya Abrahama, nanula mazoho a hao sina cwana. Muli, “Muzwale Branham, Ni katazwa ki kuikalelwa.”

Oh, kuna ni eite pesenti ya hao ka zeo. Nili, Na...Ki nto ye kambile fela cwale, sicaba kaufela si ba fela inge mabisi a matuna, mane sibata ku ni eza bubofu, ona fo uinezi foo.

¹⁹⁴ Kikuli hamuboni, kuli fa twenti kamba seti, mwendi, litaba, kamba zeñwi kufitelela, ona fa katala fa ni kwande mwahala sicaba sani, kuli Mulimu ha palelwi? Ki Jesu Kreste ya swana maabani, kacenu, ni kuyakuile. Kana mwa lumela cwalo? [Kopano ili, “Amen.”—Mu.] Cwale kiñi, Peu kaufela ya Abrahamama, kiñi ha u sa ikungeli sinotolo se cwale? Mukomi yomotuna, ya na ku komezi zona, uteni mo. U pakile kuba moo. Kana wa Mu lumela?

¹⁹⁵ Kona kuli ikungele sinotolo sa tumelo, nanula mazoho a hao, ni kubulela kuli, “Jesu Kreste, Na lumela ka foliso yaka, ona fa cwale.” Amu yeme ka mahutu. Munanule mazoho a mina, mu kiulule tumelo ya mina cwale. “Na lumela, Mulena Jesu. Na lumela cwale.”

¹⁹⁶ Cwale amu beye mazoho amina ku mañi ni mañi. Mubeye mazoho a mina ku mañi ni mañi, Peu yeñwi ya Abrahamama. Cwale u lapelele mutu yoo. Beya mazoho fahalimu a hae. Jesu naize, “Lisupo ze li ka ya ni baba lumela. Ha ba ka beya mazoho a bona fa bakuli, ba ka foliswa.”

¹⁹⁷ Satani, u luzize ndwa. Ka Libizo la Jesu Kreste, zwa mo, mi tuhela sicaba se si zamaye, kwa kanya ya Mulimu. 

MUSHEMI ABRAHAMA LOZ64-0207
(The Patriarch Abraham)

Liñusa le ka Muzwale William Marrion Branham, neli kotalizwe lwa pili mwa Sikuwa la Bufaifi manzibwana, Yowa 7, 1964, ili fa Kern County Fairgrounds mwa Bakersfield, California, U.S.A., iingilwe kuzwa fa tepu ya magesi ya manzwi ni ku hatsiwa kusina kuzusa sika mwa teni kuya Sikuwa. Toloko ye ya mwa Silozi nei hatsizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org